


माकुन बचि कियवल सक्ति



येसुनगा

माकुन बचि कियवल सक्ति मंता



इद पुस्तकनगा लिहि कितंग गोस्टिंग
बैबिलतगा मन्वल मार्क लिहि कीता चोकोटना
कबुर इन्वल पुस्तकनगा मंतंग। इगे सम्दिर साटि
बगवनतल वेहतंग गोस्टिंग मंतंग।

बद पान्दगा

बूत्कुन तेनडसि पूड्वल अदिकार येसुन मंता।.....	8
बूत्कुन तेनडसि पूड्वल अदिकार येसुन मंता।.....	9
येडकिदुक वालिर्कुन येसु चोकोट कियवल।.....	11
पापकुन मापि कियवल अदिकार येसुन मंता।	12
वडि दूनदडुन आपुस्वल सक्ति येसुन मंता।	16
येसु प्रबु सातुर्कुन नेंडुसवल।.....	18
मायननगाने करब्पान मनदनता इंजेर येसु वेह्ल।.....	21
येसु बगवनतानोर मरि आंदुर।	23
सम्दिनगटल डगुर हुकुम।	25
येसुन जक्कन साटि हव्लि कियवल।.....	27
येसुन मरनता सिक्सा वाट्वल।	29
येसुन मोदना सिल्वातगा टांगि कियवल।.....	31
येसुन माति कियवल।	33
येसु नेंड्वल।.....	35
सम्दिर साटि चोकोटना कबुर।	37

इद बगवनतानोर मरि येसु क्रीस्तुना
चोकोटना कबुर आंदु।



येसु चोकोटना कबुर पिग्सि वायवल।

योहनतुन हेरोदु राजल जेलतगा वाटुस्ता पेजे, येसु गलिलया जिलाते वासि, “मीवंग हुदय मनदिर्कनगा उच्चि राज ताकुसनतोन’ इंजेर बगवनतल वेहता वकत वाता। कीतंग पापकुन वोप्सि मीवा मनदुन मार्युसि बगवनताना चोकोटना कबुडुन पोरो विस्वास इरट” इंजेर बगवनताना राजुन बारेते प्रचर कीसि वेहतोर।



बूत्कुन तेनडसि पूड्वल अदिकार येसुन मंता।

येसु अनि सम्दिर सिस्स्यलिर मीरे मासि कपेर्नहोमु इन्वल
चहरतगा सोत्तेर। आगा आरमता दिवोसुन नेटि येसु
यूदुल्क मीरे माय्वल रोन सोनजि बोदा वेह्ल मोदोल
कीतोर। दर्मतुन बारेते सास्त्रिर वेहतप अद बोदा
वेह्लकि। बति तनकुन अदिकार मत्ता तीर वेहतोर। अद
बोदा केंचि वूर पर्जा गुल आतेर।

अद वकतने अद यूदुल्क मीरे माय्वल रोतगा वोरोर बूत
पियतोर माय्वल मत्तोर। वोर, “निमे बोनि आंदियो नाकुन
टावये! निमे नजरेतु चहर्दोर येसुनि अनि बगवनतानोर
पवित्रा मरिनि आंदि। महगा नड्डुम बारि नेंगनति? माकुन
नासेडम कियले वाति कि बतल?” इंजेर किलितोर। अद
केंचि येसु, “बूत्नि निम किलिमा वोन्गटल बहि वरा”
इंजेर जोरते हुकुम सीतोर।

ते अद बूत वोर मायनन गजा-गजा हालि कीसेर जोरते किल्युसि बहि पेसिसि सोत्ता। इद सूडसि वूर पर्जा, “इद इहिन बहन जर्गूसेर मंता? वेर तन्वा अदिकारदे बोदा वेहचेर मनतोर अनि बूत्क सोप्रे मातुर्गटल अवेकुन बहि पेसिसि सोंट इनेकेन बहि सोडिसेर मंतंग” इंजेर वोरोन संग्गा वोरोर वड्क्सेर गुल आतेर।



येडकिदुक वालिर्कुन येसु चोकोट कियवल।

अद नेटि पोड्ड सोंवल येलाते बूत्क सोप्रेमातुर्कुन अनि येडकिदुक वालिर्कुन येसुनगा पिथिस वातेर। अद चहर्तेर सम्दिर लोकुर येसु मन्वल रेतगा मीरे मातेर। वेलेटिर येडकिदुक वालिर्कुन चोकोट कीतोर। बूत्क पिय्तुर्गटल बूत्कुन टेनडिस पूडतोर, बति अव बूत्कुन ताना बोर आंदुर इन्वल टावा मत्ता काडकि येसु अवेन वडका सियमकि।



पापकुन मापि कियवल अदिकार येसुन मंता।

कहि रोज्क आता पेजे येसु कपर्नहोमु मलसि वासि रोन
मनतोर इन्वल कबुर चहर पूरो पग्रे माता। ते बय वेले
मानदि अद रोत रोपोडलते रच्चा वेरि निनतेर।

येसु वूर्कुन बगवनताना चोकोटना कबुडा

बोदा वेह्चेर

मत्तोर। अद

वकतने कहितेर

जन्क केय

काल्क अर्सि

सोत्तोर माय्नन

चाप्रता

पाडेतगा

मीनडुसि

नाल्विरा केयदे

तरुसीतेर।




बति बय वेले मानदि गुब्डा मत्ता काडकि वोर माय्नन
येसुनगा तरा पर्मकि। ते रोत पोरो तेर्गसि डगुर गद्दि कीसि
बरोबर येसुनगा वोन नोडेने चाप्रता पाडे अरिक रेहतेर।



वूरा विस्वासुन सूडसि, येसु केय काल्क अर्सि सोत्तोर
वोन सडगा “ना मरिनि नीवंग पाप्क मापि आतंग” इंजेर
इत्तोर।

अद केंचि आगा मततुर वूर सास्त्रिर तम्वा तमा मनदागा,
“बगवनतन तपुसि दुसोर बोरे पापकुन मापि किया परोर।
वेर इहिन बहन बगवनतन रेह्चि वड्क्सेर मंतोर!” इंजेर
सोंच कीतेर।



वूरु तम्वा ह्रुदय मनदिरतगा अहन सोंच कीसेर मनतेर
इंजेर येसु करि कीसि, “मिरट इद गोस्टितुन बारि अहन
सोंच कीसेर मनतिट?” इंजेर वूर्कुन पूसि कीतोर। “केय
काल्क अर्सि सोत्तोन, ‘नीवंग पाप्क मापि आतंग’ इंजेर
वेहल हल्को इंजेर मनतिट कि? वोन ‘नीवा चाप्रता पाडे
पिय्सि तेच्चि ताका’ इन्वल हल्को इंजेर मनतिट? बति
नरिमन्कानोर तादन दर्तुरित पोरो पापकुन मापि कियवल
अदिकार मंता इंजेर करि कीम्ट” इंजेर वेहतोर।

अहन वेहता पेजे वोर रोगिन सङ्गा, “निमे तेच्चि नीवा
चाप्रता पाडे पिय्सि नीवा रोन सोन’ इंजेर नीकुन वेहचेर
मनतोन” इत्तोर। अस्के येनटाने वोर माय्नल तेच्चि तन्वा
चाप्रता पाडे पिय्सि सम्दिर सूड्नेके बहि ताक्सेर सोत्तोर।
इद सूडसि सम्दिर गुल आतेर। “इच्चोर मयमता कार्वय
बस्केन सूडमकि अनि बगवनताने डगुर पान वायि” इंजेर
इत्तेर।

वडि दूनदडुन आपुस्वल सक्ति येसुन मंता।

उंदि दिया पोड्द सोंवल येलाते तंवेर सिस्वलिर सडगा
“गलिलया सम्दुर्ता हनदा बाज्नेके दाकट देट” इंजेर येसु
इत्तोर। ते सिस्वलिर आगा मन्वल मानदितुन सुटि कीसि,
येसु उच्चि मत्तोर अद रूकातगा वूर गिर उच्चि सोनले
पेसितेर। वूर पेजेय उनडे कहितंग रूकंग गिर पेसितंग।
अस्केने उंदि बेय डगुर वडि दूनदड पेसिता। अस्के
सम्दुर्तंग हेल्वाने रूकातगा येर निंचेर मत्ता। बति येसु
रूकता पेजेटा बाजुन सोनजि उंदि मेत्ततुन पोरो तला इर्सि
नरुम्सेर मत्तोर।

ते वूर सिस्वलिर येसुन जोपनल तेह्चि, “बोदा गुरु!
ममोट मुडुंग्गिसि सातेके गिर नीकुन मा पोरो किवुल वासेर
सेले कि बतल?” इंजेर पूसि कीतेर।

ते येसु जोपनल तेह्चि अद वडि दूनदडुन अनि अव हेल्वन
“दब मंट” इंजेर जोरते हुकुम सीतोर।



येनटाने अद वडि दूनदड अनि सम्दुर्तंग हेल्वंग सम्दो
सिम सम दब आसि सोडितंग। अस्के येसु वूर सिस्यलिर
सडगा, “मिरट बारि इच्चोर वेरिसेर मंतिट? नाना मीकुन
बचि कीनतोन इंजेर उंडे गिर ना पोरो विस्वास इर्मकि
कि बतल?” इंजेर पूसि कीतोर। “वडि दूनदड अनि
हेल्वंग गिर वेर वेहतपिनय केंचेर मंतंग। असल वेर बोर
माय्नल आंदुर” इंजेर तम्वा तमा बेय वेरिसि वड्कतेर।

येसु प्रबु सातुर्कुन नेंडुसवल।

उंदि दिया यूदुल्क मीरे माय्वल रोटगा यायिरु इन्वल
डगुर अदिकारि येसुन सूडसि येसुनंग
काल्कनगा वासि मुर टोंग्रंग कोट्सि, “नावा चुड्डुर पेडि
दुकने अर्सि सानल मंता। दया कीसि निमे वासि नावा
पेडिन पोरो नीवा केय इर्तेके, अद चोकोट आसि ताना
जीवा बचे मानता” इंजेर जुल्मा कीतोर। ते येसु वोर
अदिकारिन सडगा सोत्तोर। वोन पेजेय वेलेटिर मानदि
गिर येसुन इट्टाना इंजेर दुरेंग पोदेंग सोनजेर मत्तेर।

वोर अदिकारि यायिर्ता रोटल कहितेर वासि, “येसुन
वटितेर तक्लिब कियमा। नीवा चुड्डुर मियड मार्ता” इंजेर
कबुर तत्तेर। ते येसु केंचि बतय पटि किय्वकने यायिर्तुन
सडगा “सेले सेले! निमे वेरिमा, बरोसाते मन” इंजेर
वेहतोर।

अद आता पेजे येसु अगटल पेसिसि वानेके, तन्वा पेजेय
पेतुर्तुन, याकोबुन अनि वोनोर तमुर योहनतुन तपुसीसि
दुस्रोन बोने वाया सियमकि। अस्के वूर यायिर्ता रोन
येव्नेकते सम्दिरे बेय जोरते आडसेर, किलिसेर मन्वल
दर्गडतुन येसु सूडतोर। ते येसु रोत रोपो सोनजि वूर
सम्दिर सडगा “बारि वटि आगम आडसेर रोपो बहि
तिरियनतिट? अद पेडि सायमकि। सिरिप नरुम्सेर मंता
अच्चोरे” इंजेर वेहतोर।



ते अद केंचि वूर कव्विस येसुन चेडि कीतेर। येसु वूर
सम्दिर्कुन बह्नि रोहतोर अनि पेडिनोर बाबोन, अव्वन
अनि तंवेर मुविर सिस्स्यलिर्कुन पिस्सि अद पेडि मीनड्दिस
मत्ता अद कम्म्रातगा सोत्तोर।

अद पेडिना केयदुन पिस्सि, “तलिता कुमि!” इत्तोर।
इदेना अर्त “चुड्डुर बुच्चि, निम तेदा!” अहन इत्ता बरोबर
अद बारा साल्कना पेडि तेच्चि ताक्वल सुरु कीता। अद
सूडसि वूर सम्दिर बेय निपने आतेर।

मायनगाने करब्यान मनदनता इंजेर येसु वेहल।

उंदि जोका येसु, “पिसलिर्निट पेटित रोपो बहिडल सोत्ता बादे गिर वस्तु मायनन अस्ट बस्ट कियो इंजेर मीकुन टावा सेले कि बतल?” इंजेर वूर्कुन उल्टा पूसि कीतोर अनि तिंवलिक चीज्क तिंनेके अव ह्रुदय मनदिर्तुन रोपो सोंनोंग बति पेटितगा सोनजि आगा जीरेमासि मेयदड्ता रूपने बहि वानतंग।



इहिन तिंवलिक बादे गिर वस्तु अस्ट बस्ट कियोंग बति
 माय्नाना हुदय मनदिरतल बातल बतलते बहि वानतंगो
 अव अस्ट बस्ट कीनतंग। बहन इत्तेके माय्नाना हुदय
 मनदिरतल करब सोंच, पीर कियवल, काले काम,
 माय्नलिरंग जीवंग टेनड्वल, आड्माडसो वीरोर वरोन
 पसि कियवल, चिक्टल गुन, करब काम, कपट,
 मेनदोडा आसा, पागा, बगवनतन रांग्वलिक, गर्वा
 गमनडि अनि पिसल गुन्क इन्वलिक बहि वानतंग। इव
 सम्दो करब गुन्क माय्नाना हुदय मनदिरतल बहि वासि
 अस्ट बस्ट कीसि वाटनतंग” इंजेर वेहतोर।



येसु बगवनतानोर मरि आंदुर।

उंदि दिया येसु, “पेतुर्तुन, याकोबुन अनि योहनतुन पिप्सि
बेय डंगल गुटत पोरु सोत्तोर। आगा सिरिप वूर मुव्विर
मनेके येसुना रूप मारिसि सोत्ता। अद वकतने दर्तुरित
पोरोडोर बोरे वर्टल सुक्का परोर अहन येसुनंग कपडिंग
बेय दब्रा सपाक जगजागा मिड्चेर मत्तंग। अस्के तोततुर
प्रवक्तलिर येलियल अनि
मोसे पावे मासि येसुन
सडगा वड्कवल वूर
मुविर सिस्स्यलिर सूड्तेर।
वूर दडकि तिंवल
कीनेके पेतुर्तुन बातल
इनदनयो अर्तम आय्वा
सोनजि, “गुरुजि! मरट
इगेन मन्वल चोकोटो
बतलो। मी साटि,
येलियन अनि मोसेन
साटि ममोट मूंड गुडसेंग
वाटनतोम” इंजेर येसुन सडगा इत्तोर।



अददे वकतने उंदि टेपा वासि वूर्कुन मुच्ता। अद
टेप्पातल “वेर नावोर लाडनोर मरि आंदुर। वेर वेह्दुन
मिरट केनजट” इंजेर लेंग केनजा वाता। ते येनटाने
बोवतल सूड्तेर। अस्के येसु तपुसीसि मेयतुर इविर
सिस्यलिर्कुन दिस्मकि।



सम्दिनगटल डगुर हुकुम।



येसु वूर्कुन चोकोट जवब सीतोर इनजि, वोरोर सास्त्रि वासि “गुरुजि, बगवनतल सीतंग हुकुमकनल सम्दिन तेर मुके हुकुम बद आंदु?” इंजेर पूसि कीतोर। ते येसु, “इज्रयेल जातिता पर्जत्निट इद नावा गोस्टित केनजट इंजेर, ‘प्रबु वोरोरे बगवनतल आंदुर। वोर वोरोरे मनतोर। बगवनतन मावा पूरो हुदय मनदिरतगा, पूरो आत्मातगा,

पूरो मनदागा अनि पूरो मरट कियवलिक कामकनगा
बक्ति बाव तोहना' इंवाले सन्दिनल मुके हुकुम आंदु”
इंजेर वेहतोर।

उंडे दुस्रो वाले बद इत्तेके “नीवा निमे बचोर मयाते
सूडनतियो अच्चोरे मयाते दुस्रोण सूडना' इवेन तेर अदिक
मुके वालेक हुकुम्क सेलेंग” इंजेर वेहतोर।



येसुन जक्कन साटि हव्लि कियवल।

उंदि दिया बारा जन्क सिस्वलिर्गटल वोरोर इस्करियोतु
यूदल सोनजि, “येसुन मी केयदे हव्लि कीनतोन” इनजि
डगुक कटोडलिर्कुन वेहतोर। ते अद केंचि वूर बेय
आंनदने मत्तेर अनि नीकुन कोत्तंग सीनतोम इंजेर वोप्तेर।



अदेन साटि येसुन वूरा केयदे हव्लि कियाना इंजेर मोका
सूडसेर मत्तोर। “नाना बोनते मुका बुर्सि तोहनतोनेय वोरे
येसु आंदुर। वोन मिरट पिग्रिस सिपयिर नड्डुम इर्सि वोया
वच्चो” इंजेर मुनेने तन्वा सडगा वायवलिर्कुन इस्करियोतु
यूदल वेह्चि मत्तोर। अदेन हिनदल येनटाने यूदल येसुन
करुम सोनजि, “बोदा गुरुजि” इंजेर मुका बुरतोर। ते वूर
वातुर वूर पर्जा येसुन हात्कडि वाड्तेर।



येसुन मरनता सिक्सा वाट्वल।

पस्का सडदुन नेटि गवर्नर पर्जता इस्टमुन पिचिसि
टानेतल बोर्तेर वोरोन सुटि कियवल आचर मत्ता। बरब्बा
इन्वल वोरोर माय्नल रोमा सर्कारदुन बयमन आसि तंवुर
सोप्ललिर सडगा बच्चिरो मानदितुन जक्सि टानेते अर्सि
मत्तोर। हर साल टानेतल वोरोन सुटि कीतपे इद सडदुन
नेटि गिर वोरोन सुटि कियाना इंजेर पर्जा गवर्नर पिलातुन
कोर्तेर। वूर डगुक कटोडलिर वोर येसुन पोगो कुटकुटा
आसि तनगा तचि हव्लि कीतेर इंजेर पिलातु वोडकि
कीसि, “यूदुल्कनोर राजन मी साटि सुटि कीका कि
बतल?” इंजेर वूर पर्जतुन पूसि कीतोर।




बति अद वकतने डगुक कटोडलिर “‘येसुन बद्दिल
बरबन सुटि कीम्ट’ इंजेर कोरट” इनजि वूर पर्जतुन
चह्दिड कीतेर। ते पिलातु “मिरट यूदुल्कनोर राजल इंजेर
केय्वल वेर येसुन नाना बातल कीका?” इंजेर पूसि
कीतोर। ते वूर सम्दिरे, “वोन मोदना सिलुवातगा टांगि
कीसि जकना” इंजेर किलितेर। अद केंचि पिलातु “बारि
‘वेन जकना’ इंजेर मंतिट? वेर बातल कसुर कीतोर?”
इंजेर वूर्कुन पूसि कीतोर। ते वूर पर्जा उंडे इचुर जोरते,
“वोन मोदना सिलुवातगा टांगि कीसि जकनये” इंजेर
किलितेर। वूर सम्दिर पर्जता इस्टमुन मानि कीसि,
पिलातु टानेतगा मन्वल बरबन सुटि कियुसीतोर अनि
येसुन चाटोल्कने पासि मोदना सिलुवातगा टांगि कीसि
जकन साटि सिपयिरगा हव्लि कीतोर।



येसुन मोदना सिल्वातगा टांगि कियवल।

अद नेटि सकेडा नोव बजेता टेमने येसुन मोदना
सिलुवातगा टांगि कीतेर। वोन पोरो वाड्ता कसुर
“यूदुल्कनोर राजल” इंजेर पाटितगा लिहि कीतेर।

अद देसनगा दुपरि बारतलते मूंड नेक्नल वेरि कहचर
सिकटि आसि मत्ता। अहन दुपरि मूंड नेक्नेकेन येसु
“येलोयि येलोयि लामा सबक्तनि” इंजेर जोरते
किलितोर। इदेना अर्त “ना बगवनता ना बगवनता
नाकुन बारि सुटि कीति?” इंनेकेन करुम मनवलिर
कहितेर बरोबर केनज्वकने, “हके केनजट! येसु
येलिया प्रवक्तन केयनतोर” इंजेर इत्तेर। वूर्गटल वोरोर
विच्चेर सोनजि पुलिता आंगुर्कना रसातगा दूदितुन
मुडुसि तान उंदि लाम बेडेतगा तटुसि येसुना तोड्दागा
येवुसीतोर। बति उंडे वोरोर “दीरा! वोन येलिया
प्रवक्तल वासि मोद्नल बूड रेहनतोर बतलो सूडकट”
इंजेर इत्तोर। अद वक्तने येसु बेय जोरते किलनडि
वाडसि तन्वा जीवतुन सुटि कीतोर।



अस्के येरुसलेमनगा मन्वल बगवनताना मनदिर्ता पड्दा
पोरोडल ते बूड वेरि सर्सि रंड टुकडेंग आता। अद
वकतने नूर जन्क सिपयिरोर अदिकारि मोदना सिलुवतुन
मुने निलसि मत्तोर। वोर येसुना मरनतुन सूडसि “वेर
करलेने बगवनतानोर मरि आंदुर” इंजेर जोरते वोपतोर।

येसुन माति कियवल।

अरिमतया इन्वल नाटनोर योसेपु यूदुल्कनेर डगुक
अदिकारिर्गटल चोकोटना पोरोल कमय कीतोर अनि
पर्जतंग हृदय मनदिर्कनगा बगवनतल उच्चि राज
ताकुसाना इंजेर मनदागा बक्ति कीसेर मन्वल आंदुर।
आरम्ता दिवोसुन मुनेता दिया येसु मारतोर।



अदेन साटि अद नेटि पोड्द सोंवक मनेके वोर योसेपु दर्यम कीसि पिलातुनगा सोनजि “येसुना कूरदुन नाकुन वोया सीम्ट” इंजेर पूसि कीतोर। ते पिलातु गुल आसि “अय यय यो! इच्चोर वेय्नेने येसु मार्तोरिय?” इंजेर सिपयिरोर अदिकारिन पूसि कीतोर। वोर अदिकारि “ओहो! मार्तोर” इंजेर जवब सीता पेजे, योसेपुन येसुना कूरदुन वोयन साटि पिलातु वोपतोर। ते योसेपु अद कूरदुन टांगि कीता मोदना सिलुवातल बूड रेह्चि, बारिता पूना दव्रल कादि कपडिते गूनडि कीतोर। नारिता बनडता उंदि वीचनगा वोसि अद कूरदुन इर्सि अद वीचुन बनडाते मुहुसीतोर।



©३३३

येसु नेंड्वल।

आरमता दिवोस आता पेजे इमुन नेटि इत्तेके आय्त्वार्तुन नेटि सक्रेने योसेस अनि याकोबना अब्वल मरियल, मग्दलेने मरियल अनि सलोमि तेच्चि, गम्मा गम्मा गाडि सिव्वलिक चीज्क पिच्चिस येसुना कूरदुन सोकले इंजेर वीचनगा सोनदन साटि पेसितंग।



अहन सरिय सोनजेर मनेके “ममोट ते सोनजेर मनतट बति अद वीचुन अड्डुम इर्ता डगुर बनडतुन मा साटि बोेर कूडुसनिर?” इंजेर उंदित उंदि वड्क्सेर वासेर मत्तंग। बति

वीचना बुयरित करुम सोनजि सूड्तेके अद अड्डुम इर्ता
बेय डगुर बनडा बगला जर्गुसि दिस्ता। ते “वीचुन रोपो
सूडकट देट” इंजेर करुम सोनजि सूड्तेके, अवेकना तिना
बाजुन दव्रा सपाक लाम कपडिंग केर्सि डियोर कानडि
उच्चि दिसतोर। वोन सूडसि बेय निपने आतंग।

ते “नाकुन सूडसि वेरिमट। मोदना सिलुवातगा टांगि कीसि
जीवा येत्तेर। वोर नजरेतनोर येसुन साटि महकनतित इंजेर
टावये। वोर इद वीचनगा सेल्लोर। बगवनतल वोन तिरिसि
जीवाते तेहतोर। इचुला मीनडुसीता इद जागतुन सूडट” इंजेर
वोर दूतल तोहतोर। “येसु मीकुन तेर मुने गलिलया जिलाते
सोनजेर मनतोर। मोदोल वेहतपिनय मीकुन आगा दिसनतोर’
इन्वल, वोनेर सिस्वलिकुन अनि वूर्गटल पेतुर्तुन ते तप्वक
सोनजि वेहट” इंजेर वेय्लोकुन वेहतोर। ते अव वेय्लोक
बेय वेरिसि अगटल बह्नि पेसिसि विच्चेर सोडितंग। अद
गट्न्तुन सूडसि दडकि तित्ता काडकि अदेन बारेते बोने
वेह्मकि।

सम्दिर साटि चोकोटना कबुर।

“परिपंचम पूरो तिरिसि इद नाना सासि जीवाते तेत्ता चोकोटना कबुडुन सम्दिकुन वेहट” इंजेर येसु हुकुम सीतोर। उंडे “इद चोकोटना कबुडुन केंचि बोरते तान पोरो विस्वास इर्सि बाप्तिस्मा (इत्तेके पवित्रा आंगुडित दात) येतनतेरो, वूर्कुन बगवनतल सिक्सातल बचि कीनतोर अनि बोरते तान पोरो विस्वास इरेरो वूर्कुन बगवनतल सिक्सा वाटनतोर” इंजेर वेहतोर।



येसु प्रबु तंवेर
सिस्यलिर्कुन इव
सम्दो गोस्टिंग वेह्ल
आता पेजे,
बगवनतल वोन
स्वर्गानगा वोसि, तन्वा
तिना बाजुन उपुसीतोर।



अद आता पेजे वूर सिस्यलिर सम्दिर गिर दुस्रोक् दुस्रोक्
जागानगा दुस्रोक् दुस्रोक् देसल्कनगा सोनजि इद येसु
सासि तिरिसि जीवाते तेत्ता अद चोकोटना कबुर
सम्दिर्कुन वेह्चेर सोत्तेर। इद कबुर करल इंजेर करि
कियन साटि, येसु बचोंगो मयमतंग कार्व्यकना साक्सेय
वूरा केयदे कियुसि तोहतोर।



उंडे वेलले करि कीकोम इन्किट ते:





© 2000